



**mouvement  
écologique**

Un all Member vum  
Mouvement Ecologique

Lëtzebuerg, den 10. Mäerz 2023

Léiwe Member,

Heimat luede mir lech häerzlech an op de

## Kongress 2023 vum Mouvement Ecologique

**Freideg, de 24. Mäerz 2023 um 18.00 Auer**  
am Oekozynter Pafendall - 6, rue Vauban am Pafendall - mat klengem Buffet



**Och op Wonsch vun enger ganzer Rei Memberen ass de Kongress dëst Joer net méi Samschdes  
Mëttes, mä Freides Owes (ma an enger Owesveranstaltung).**

De Programm ass esou, datt mir engersäits eise legale Verflchtunge gerecht ginn, Zäit bléift fir e klenge Réckbléck op 2022 an awer och en Austausch zu wichtege Froe méiglech ass.

Virun allem awer och wëlle mir den Owend zesumme mat engem klengen „lessen“ gemittlech ausklénge loossen. Do kënnen mir jo weider iwwert déi haiteg Erausforderunge méi entspaant schwätzen.

Et ass immens wichteg, datt Dir als Member um Kongress deelhueft, och wann Dir selwer net aktiv un Aarbechten deelgeholl hutt. Domat weist Dir Är Solidaritéit mat dem Mouvement, weist den Aktiven, datt sech hiert Engagement lount. A natierlech kënnen Dir och positiv oder kritesch Umierkunge maachen. Grad an dësen Krisenzäiten ass et wichteg, sech gemeinsam esou weiderhin Courage ze maachen!

*Opgrond vun der ASBL-Gesetzgebung si mir verflcht, all Member eenzel eng Aluedung per Post ze schécken, och wann Dir eng Haushalt-Memberschaft hutt.*

# Den Oflaf vum Kongress 2023

18h00: **Accueil vun de Memberen**

18h15: **Begréissung a Ried vun der Presidentin Blanche Weber**

18h30: **De Bilan vun den Aktivitéiten am Joer 2022, mat engem Ausbléck an d'Zukunft, opbereet mat Biller an enger klenger Analyse wat erreecht gouf:**

- vu Mouvement Ecologique a move.,
- Oekozynter Pafendall
- Stéftung Oekofonds,
- Klima-Bündnis Lëtzebuerg

*Remarken / Ureegung vun de Membere stinn am Fokus. Gäre kënn Dir se eis och am Virfeld matdeele via [meco@oeko.lu](mailto:meco@oeko.lu).*

19h00: **Bilan 2022 - Budget 2023**  
**Finanzrapport vum Tresorier a vun de Revisoren - Decharge**

19h20: **Decharge vum Verwaltungsrot**  
**Neiwal vu Membere vum Verwaltungsrot a vun de Keese-Revisoren**

**Stand vun der Zesummesetzung vum Verwaltungsrot ass:**

*Net-Austriedend (8 Leit):* Tom Becker, Roger Dammé, Théid Faber, Béatrice Kieffer, Claude Petit, Jacques Pir, Jean Rischette, Blanche Weber.

*Austriedend an hier Kandidatur nei stellend (5 Leit):* Emile Espen, Gérard Kieffer, Marianne Milmeister, Jeannot Muller, Bob Reuter

*Austriedend a seng Kandidatur net nei stellend:* Cédric Metz

*Weider Kandidature fir de Verwaltungsrot solle wgl. schréftlech bis den 21. Mäerz beim Mouvement Ecologique ([meco@oeko.lu](mailto:meco@oeko.lu)) eragereecht ginn.*

19h30 **Um Wee an eng nohalteg Gesellschaft: D'Roll vun der Politik, vun der Zivilgesellschaft a vun den Einzelen**

Grad an engem Waljoer ass d'Fro, wat de Roll ass vun de verschiddenen Acteuren an der Gesellschaft fir datt déi ekologesch-sozial Transitioun geléngt kann:

Muss d'Politik méi maachen a gestalten? Wei vill Akzeptanz brauch se, huet se?

Oder muss si méi Courage a Wäitsicht weisen? Oder muss de Verbraucher, den Einzelen oder Initiative „vun ënnen“ Virreider si vun der Transitioun? Wat ass de Roll vun enger Net-Regierungsorganisatioun wéi dem Mouvement Ecologique ?

Dës an aner Froe wëlle mir zesummen diskutéieren: si sinn a villen Hisiichte ganz wichteg fir den Engagement!

Am Fall datt eng Motioun vum Verwaltungsrot zu dëser oder enger anerer Fro wäert erstallt ginn, wäert déi spëtstens ab dem 22. Mäerz um Internetsite vum Mouvement Ecologique [www.meco.lu](http://www.meco.lu) als Entworf ze liese sinn.

### Fräi Aussprooch

20h15 **No dem Kongress sidd Dir häerzlech agelueden op e Patt a Buffet mat leckerem „Fingerfood“**

**Wéinst dem lesse wier et léif, wann Dir lech géift mat Zäiten umellen:**  
[meco@oeko.lu](mailto:meco@oeko.lu) oder Tel. 439030-1



Blanche Weber  
Presidentin



Emile Espen  
Tresorier





# Abonéiert lech op d'Newsletter vum Mouvement Ecologique!

De Mouvement Ecologique bitt zënter e puer Joer e Service just fir seng Memberen un: eng gratis elektronesch Newsletter, déi reegelméisseg erauskënnt (meeschtens 1 mol d'Woch ausser an de Vakanzen). Doranner fannt Dir Infoen zu den aktuelle Stellungnamen, Veranstaltungen, Opriff...

D'Newsletter ass e wichtegt Kommunikatiounsinstrument.

**Duerfir: falls Dir bis elo nach net abonéiert sidd: maacht dat!**

Wann Dir eis Newsletter geschéckt kréie wëllt, maacht einfach e Mail un [inscription@meco.lu](mailto:inscription@meco.lu) oder schreift lech an op [www.meco.lu/de/uber-uns/newsletter](http://www.meco.lu/de/uber-uns/newsletter).

**Falls Dir soss Remarken zu oder Ureegunge fir d'Aktivitéite vum Mouvement Ecologique hutt, deelt eis et mat: [meco@oeko.lu](mailto:meco@oeko.lu).**